

suis apposuerunt, secundum quos legunt & cantant, vid. Montfaucon. Palæogr. p. 357. & p. 260. & hunc cantandi modum ex prima Christianorum Ecclesia, qui plerumque Judæi fuerunt, sive dubio acceperunt. Quale itaque erit bōni interpretis officium? 1) in lectione voces servis notatas conjunctim legat, & 2) in versione eas grammaticè construat & latinorum more distinguat, ita tamen, ut versio cum hebræorum distinctionibus legi & intelligi possit. Sic statim apparebit, quæ distinctiones & conjunctiones sint oratoriæ. Nunc videamus argumentum Frankii. Quic. voces in hebræo codice conjunctas conjunctim legit, & in versione latina eas distinguit, ille sibi contradicit. Atqui. E. Nugæ.

§. XXIII.

Contradictiones quoque fingit Frank. occasione Anomalorum, a Cl. Viro explicatorum, & ad regulam redactorum. Principium Cl. Viri est omnes servos conjunctim esse legendos, in versione vero voces esse Grammaticè construendas & distinguendas, vid. §. præced. Sic nulla dantur anomala. Sed cum Fr. iterum lectionem cum versione confunderet, eum sibi contradixisse dixit, quasi ea distingueret, quæ conjugenda essent. Videamus exemplum Jof. XI, 51.

Quas distribuerat Eleasar Sacerdos, & Josua filius Nun.
 In hoc loco quatuor voces a Punctatore conjunctim leguntur, & post quartam Psik minor distinctivus ponitur; Deinde tres voces conjunguntur & distinctio ⁹⁹ in *Nun* ponitur, quem puncto expressi. Versionem secundum hæc puncta lectam, convenire cum accentibus, patebit conferenti. Sensum verum etiam in eadem exhiberi nemo dubitat. Sed quia Accentuatores h.l. plures voces conjunctas vident, quod contra eorum hypothesis; ideo hunc locum ad Anomala referunt, dicentes: 1) ⁹⁹ positum esse loco ⁹. 2) — — Munachos occupare locum distinctivorum in vocibus *distribuerunt*, & *sacerdos*, & locum conjunctivi in voce *Eleasar*. Sed omnia inutilia sunt; ⁹⁹ positum esse loco ⁹, prodeesse potest Judæis, qui diversos characteres diverso tono exprimunt, non vero interpreti. Sive *Paser* sive *Vaccæ cornua* h.l. habeas, sensus idem manet. Munachos di-

stinctio